

Diru-laguntzak emateko oinarri espezifikoak, 2025. urtean, kanpoko errotuluak eta webguneak euskaraz jartzeagatik.

Durangoko Udalak oso garrantzitsutzat irizten dio erakunde publiko eta pribatuen kanpoko errotulazioa eta webguneak euskaratzeari. Horrexegatik hain zuzen, aurrekontu partida bat ezarri du aipatutako kontzeptuak diruz laguntzeko.

Honela, Durangoko Udalak kanpoko errotuluak eta webguneak euskaraz jartzen dutenei diru-laguntzak emateko deialdia arautu du. Honekin euskara idatziaren erabilera esparru pribatura zabaldu nahi da, euskara idatziaren presentzia indartzeko diskriminazio positiboaren irizpideak aintzat hartuta eta, honela, gure herriko hizkuntza paisaia euskaldunago bihurtzeko.

1. artikulua. Izaera eta erregimen juridikoa

Azaroaren 17ko Diru-laguntzei buruzko 38/2003 Lege Orokorrak arautuko du di-ru-laguntza, lege horren 22.1 artikulua-rekin bat etorruta. Aipatutako diru-laguntza Durangoko Udalaren 2025eko Aurrekontuetan aurreikusita dago, 2025-2027 Diru-Laguntzen Plan Estrategikoaren barruan, 2024ko abenduaren 19ko Osoko Bilkuran onetsia, eta bertan informazio hau dago:

Kodea: 1.3350.2.EWO

Diru-laguntza: Kanpoko errotuluak eta webguneak euskaraz jartzeko diru-laguntza deialdia

Zenbatekoa: 5.000€

Partida: 61.3350.47101

2. Artikulua. Xedea

Ebazpen honen xedea da Durangoko Udalaren diru-laguntzen oinarri arautzaileak ezartzea, norgehiagoka erregimenean, 2025. urtean zehar, kanpoko errotuluak eta webguneak euskaraz jartzeagatik, halaxe agertzen baita Durangoko Udalak onartutako Euskara Biziberritzeko Plan Nagusian.

3. Artikulua. Onuradunak

3.1. Kanpoko errotuluak euskaraz jartzeagatik diru-laguntzen subjektu onuradunak izan daitezke: euren establezimendua Durangon kokatuta daukaten merkataria eta ostalariak eta, halaber, udalerri mailako elkarteak. Errotulazioa diogunean hauxe hartzen da kontuan: lokalaren kanpoaldean jarritakoa eta, halaber, toldoetan eta ibilgailu komertzialetan jarritakoa.

Ez dute diru-laguntzarik jasoko negozioko titularraren izena edo izen-deiturak baino agertzen ez dituzten errotuluak.

3.2. Euskarazko web orriak euskaraz jartzeagatik diru-laguntzen subjektu onuradunak izan daitezke: udalerrian lanean diharduten elkarte edo entitateek eta merkataritza zein ostalaritza establezimenduak. Aurreko urteetan diru-laguntzak jaso zituzten erakundeak eta elkarteak ere aurkeztu ahal dira aurtengo diru-laguntza deialdira. Horretarako, aurreko diru-laguntza jaso zutenetik egindako berrikuntzen berri eman beharko dute.

Errotuluetan zein web orrietan, kasu bietan, testuak zuzen idatzita beharko du egon eta Udaleko Euskara Zerbitzuak aholkua eskainiko die hala eskatzen dutenei.

Erakunde onuradunek egunean egon beharko dute Durangoko Udalaren eta beste administrazio publiko batzuen zerga, tasa, arbitrio eta zehapenen ordainketan.

4. Artikulua. Aurkezteko lekua eta dokumentazioa

Eskariak Udaleko **egoitza elektronikoan** aurkeztu behar dira.

Aurkeztu beharreko dokumentazioa hauxe da:

- Diru-laguntza-eskari normalizatua (Eranskina).
- Eskatzailearen NANA.
- Errotuluak: Kanpoko errotuluaren, toldoaren edo ibilgailuaren argazkia.
Web orria: beronen helbide elektronikoa.
- Errotuluaren edo webgunearen faktura.

Durangoko Udalak, Bizkaiko Elkarreragingarritasunerako Nodoaren bidez eta dagozkion elkarreragingarritasun-zerbitzuen bidez, laguntza honen administrazio-izapideak egiteko eskatzen diren eskatzaileen datuen beharrezko egiaztapenak eta kontsultak egingo ditu.

Arrazoi teknikoengatik elkarreragingarritasuna ezinezkoa bada, Durangoko Udalak izapideak egiteko beharrezkoak diren datuak edo dokumentuak eskatu ahal izango ditu.

5. Artikulua. Epeak

Diru-laguntza eskariak aurkezteko azken eguna 2025eko urriaren 31 izango da.

Eskariak ebazteko gehieneko epea 2025eko azaroaren 30a izango da.

Aurkeztutako dokumentazioa osatu gabe badago edo oinarrietako baldintzaren bat betetzen ez badu, hamar laneguneko epea emango zaio interesdunari akatsak zuzendu ditzan edo dagokion dokumentazioa gehitu dezan. Eta jakinaraziko zaio, halaber, hala egiten ez badu, bere eskaria ez dela kontuan hartuko eta, hala ebatziko da Herri Administrazioen Araubide Juridikoaren eta Administrazio Prozedura Erkidearen 30/1992 Legearen 42. artikulua aurreikusten dituen terminoen arabera eta, halaber, aintzat hartuta Diru-laguntzei buruzko azaroaren 17ko 38/2003 Lege Orokorraren 23.5 artikulua ezartzen duena..

6. Artikulua. Diru-laguntzaren zenbatekoa

Eskatzaileen artean banatuko den gehieneko kopurua 5.000,00 euro da. Gastua 61.3350.47101 aurrekontu-partida honen kargura egingo da.

Aipatutako zenbateko hau igo egin daiteke Euskara sailaren beste diru-laguntza-programa batzuk burutu ondoren agortu gabe geratu diren diru-partiden kontura, edo diru-laguntzak ebatzi aurretik Udalak egin ditzakeen aurrekontu-aldarazpenen ondorioz. Halakorik gertatzen bada, berariazko ebazpenaren bitartez jakinaraziko da.

Araudi honetako diru-laguntzak bateragarriak izango dira dena delako erakunde publiko edo pribatuek xede bererako eman ditzaketen bestelako diru-laguntzekin. Edozein modutan, ez da gain finantzaketarik egongo, eta hala gertatuko balitz, diru-laguntza murriztu egingo litzateke. Gain finantzaketa gerora emango balitz, eta dirua itzultzeko beharrianen bat baino gehiago izanez gero, dena delako pertsona edo erakunde onuradunak dagokion parte proportzionala itzuli beharko du Durangoko Udalak egin dion ekarpena aintzat hartuta.

7. Artikulua. Esleipenerako irizpideak

1. Kanpoko errotuluak:

- Errotuluak euskaraz jartzeagatik (toldoak eta ibilgailuak barne): %50eko diru-laguntza emango da. Gehienez ere, 800 euro jaso ahal dira.
- Errotuluak euskaraz eta gaztelaniaz jartzeagatik:
 - a) %30eko diru-laguntza jasoko dute euskara lehenesten duten errotuluak. Gehienez ere, 600 euro jaso ahal dira.
 - b) %25eko diru-laguntza jasoko dute ele bietan dauden errotuluak. Gehienez ere, 500 euro jaso ahal dira.

2. Webguneak:

- Webaren hasiera orria euskaraz agertzeko lehenetsita badago, %30eko diru-laguntza emango da. Gehienez ere, 600 euro jaso ahal dira.
- Webgunea euskaraz eta gaztelaniaz: %25eko diru-laguntza emango da. Gehienez ere, 500 euro jaso ahal dira.

8. Artikulua. Instrukzioa eta ebazpena

Sail eskudunaren informe teknikoa aztertu ostean, eta euskara, kultura eta hezkuntza argibide batzordearen proposamenari ekinez, eskariak alkatearen dekretu bidez ebatziko dira, gehienez ere, azaroaren 30a baino lehen.

Aipatutako data igaro ostean ebazpenik jaso ezik, ulertu behar da eskaria gaitzetsi egin dela, gerora egin daitekeen ebazpenaren kaltetan izan gabe.

9. Artikulua. Diru-laguntza ordaintzea

Diru-laguntza eman dela jakinarazi bezain laster, ordainketa egingo da.

10. Artikulua. Betebeharrak

Diru-laguntzaren ezaugarriak kontuan izanda, hau da, kontzesioa gastua egin ostean egiten bada, ez dira zertan bete Durangoko Udalaren Diru-laguntzen eta bestelako laguntzak arautzen dituen Ordenantzaren 6. artikulua ezartzen dituen betebeharrak, diru-laguntzaren justifikazioa barne.

11. Artikulua. Itzultzea

Diru-laguntza eman deneko jardueraren gastuaren aurrekontuari dagokion gastua justifikatzen ez bada, diru-laguntza osoa edo zati bat eta dagokion berandutze-interesa itzuli beharko da, halaxe ezartzen baitu Durangoko Udalaren diru-laguntzen eta bestelako laguntzak arautzen dituen Ordenantzaren 16. artikulua eta, betiere, Ordenantza bereko 17. artikulua arautzen duen prozedura jarraituz.

Halaber, dirua itzultzeko zioak dira Diru-laguntzei buruzko azaroaren 17ko 38/2003 Lege Orokorren 36 eta 37 artikuluetan jasotako guztiak.

12. Artikulua. Araudi Osagarria

Diru-laguntza honek ezartzen ez duenari dagokionez, honako lege testuak hartuko dira aintzat: Durangoko Udalaren diru-laguntzak eta bestelako laguntzak arautzen dituen Ordenantza; diru-laguntzei buruzko 38/2003 Lege Orokorra; 887/2006 Errege Dekretua eta toki erregimeneko araudi bateragarria.

13. artikulua. Datuen babesa

Durangoko Udalak euskararen erabilera sustatzeko politikak normalizatzeko, antolatze eta kudeatzeko planen kudeaketaren esparruko datuak tratatzen ditu, Euskadiko Toki Erakundeei buruzko 2/2016 Legearen eta Toki-araubidearen oinarriak arautzen dituen 7/1985 Legearen arabera. Datu pertsonalak Udal Euskaltegiari eta arloan eskumena duten beste Administrazio Publiko batzuei jakinarazi ahal izango zaizkie, hala nola Eusko Jaurlaritzari. Interesdunak bere datuak eskuratzeko, zuzentzeko eta ezabatzeko eskubidea du, bai eta datuon tratamendua mugatzeko edo aurka egiteko eskubidea ere, Udalaren helbidera edo dpo@durango.eus helbide elektronikora komunikazio bat bidalita. Halaber, informazio gehiago nahi izanez gero, kontsultatu gardentasun-ataria: www.durango.eus